



გორის სულხან ცინცაძის სახელობის სამუსიკო კოლეჯი

დამტკიცებულია სსიპ–
ქ.გორის ს.ცინცაძის სახელობის
სამუსიკო კოლეჯის დირექტორის
ბრძანებით
N1/39.08.07.2020 წ.

საჯარო სამართლის იურიდიული პირის–ქ.გორის ს.ცინცაძის სახელობის სამუსიკო კოლეჯის საზოგადოებასთან ურთიერთობის წესი

წინამდებარე წესი არეგულირებს სსიპ ქ.გორის ს.ცინცაძის სახელობის სამუსიკო კოლეჯის (შემდგომში „კოლეჯი“) საზოგადოებასთან ურთიერთობის სამართლებრივ საფუძვლებს, ამოცანებს და ფორმებს.

მუხლი 1. კოლეჯის საზოგადოებასთან ურთიერთობის სამართლებრივი საფუძვლები

1. კოლეჯი საზოგადოებასთან ურთიერთობისას ხელმძღვანელობს, წესდებით, შრომის შინაგანაწესით, ამ წესითა და სხვა სამართლებრივი აქტებით.
2. ეს წესი განსაზღვრავს კოლეჯის საზოგადოებასთან ურთიერთობის ფორმებს, ამოცანებს, უფლებამოსილებას და ანგარიშვალდებულებას.

მუხლი 2. საზოგადოებასთან ურთიერთობის ამოცანები

1. სსიპ სულხან ცინცაძის სახელობის სამუსიკო კოლეჯში მიმდინარე პროცესების და ღონისძიებების შესახებ საზოგადოების ოპერატიული და სისტემატიური ინფორმირება;
2. მჭიდრო კონტაქტების დამყარება მოქალაქეებსა და ინტერეს ჯგუფებთან (არასამთავრობო ორგანიზაციები, დამსაქმებელი ორგანიზაციები, პროფესიული სტუდენტები, პროფესიული სტუდენტის მშობლები/კანონიერი წარმომადგენლები და სხვა);
3. კოლეჯის წინადადებების, შენიშვნების, მოსაზრებების დამუშავება, გაანალიზება და დაინტერესებული მხარეებისთვის მიწოდება;
4. კოლეჯის სიახლეების, სმომავლო პროექტების და ღონისძიებების თაობაზე საზოგადოების ინფორმირება;
5. კოლეჯის პროფესიული სტუდენტების და პროფესიული განათლების მასწავლებლების ინფორმირება სწავლის მეთოდებისა და საგანმანათლებლო პროცესის სიახლეებთან დაკავშირებით;
6. კოლეჯის ვებგვერდისა და სოციალური ქსელების ადმინისტრირება.

მუხლი 3. საზოგადოებასთან ურთიერთობის ფორმები

1. კოლეჯის ადმინისტრაციის მიერ საზოგადოებასთან ურთიერთობა შესაძლებელია განხორციელდეს როგორც პირადად, დაინტერესებულ მხარეებთან შეხვედრების ორგანიზების გზით, ისე ანგარიშების წარდგენის გზით კოლეჯის საქმიანობის თაობაზე, რომელიც საჯარო და ხელმისაწვდომია დაინტერესებული მხარეებისათვის;
2. ნებისმიერ დაინტერესებულ პირს უფლება აქვს კოლეჯს მიმართოს საჯარო ინფორმაციის გაცემის მოთხოვნით. კოლეჯი ვალდებულია საჯარო ინფორმაციას მიკუთვნებული ინფორმაცია გასცეს კანონმდებლობით გათვალისწინებული წესით და ვადებში. დაუშვებელია პერსონალური მონაცემების, კომერციულ და სახელმწიფო საიდუმლოების შემცველი ინფორმაციის გაცემა გარდა კანონმდებლობით გათვალისწინებული გამონაკლისი შემთხვევებისა.
3. საჯარო ინფორმაციის გაზემაზე პასუხისმეგებელი პირია კოლეჯის ქსელის ადმინისტრატორი.
4. კოლეჯი საზოგადოებასთან ურთიერთობისას უნდა იყვეს გამჭვირვალე და საქმიანობის განხორციელებისას მოქმედებდეს ანგარიშვალდებულების პრინციპის დაცვით.

მუხლი 4. კოლეჯის ვებ-გვერდის და სოციალური ქსელის მართვა

1. კოლეჯის ქსელის ადმინისტრატორი უზრუნველყოფს ვებ-გვერდის და სოციალური ქსელის სათანადო მართვას.
2. ქსელის ადმინისტრატორი კოლეჯის ვებ-გვერდსა და სოციალურ ქსელში პერიოდულად განათავსებს შესაბამის ინფორმაციას კოლეჯის მიერ განხორციელებული და დაგეგმილი სიახლეებისა და ღონისძიებების თაობაზე.
3. კოლეჯის ვებ-გვერდზე უნდა განთავსდეს სამართლებრივი აქტები და მასში შესული ცვლილებები, რომლებიც იქნება საჯარო და ხელმისაწვდომი ყველა დაინტერესებული მხარისათვის.